


Erindi: Opnun og bætt aðgengi skógarsvæða í Búðardal

Undirritaðir eru skógabændur í Dalabyggð, sem hafa mikinn áhuga á að efla skógrækt í Dölum með margvíslegum hætti. Við höfum að undanfögnu skoðað nokkur eldri skógræktarsvæði í Dalabyggð þar sem víða hafa vaxið upp myndarlegir skógar. Það er þó sammerkt með þeim öllum að skógarnir hafa fengið litla sem enga umhirðu, sem gerir þá óaðgengilega fyrir fólk og því nýtast þeir ekki sem skyldi til áningar, útivistar og heilsubótar fyrir íbúa og ferðamenn. Víða um land hafa aðilar reynt að bæta úr svipaðri stöðu og t.a.m. hefur Skógræktarfélag Íslands staðið fyrir átaki um „Opna skóga“. Myndin hér að neðan sýnir núverandi opna skóga á Vesturlandi. Í Dalabyggð eru fjölmörg skógasvæði möguleg fyrir opinn skóg en við leggjum til að byrjað verði á skóginum, sem er á um 4 ha svæði neðan Þjóðveggar, rétt við Búðardal. Við óskum því eftir leyfi sveitarstjórnar Dalabyggðar til að hafa umsjón með og takast á við að gera svæðið aðgengilegt. Við notum nú vinnuheitið „Brekuskógur“ fyrir svæðið.



Við höfum hug á að hefjast handa þegar í stað með einfalda lágmarks tiltekt, grisjun og greinaklippingu til þess að opna svæðið, a.m.k. þannig að fólk komist um svæðið, án þess þó til að byrja með, verði lagt í mikla jarðvinnslu eða ofaníbúð fyrir stíga. Við teljum að nauðsynlegur tími sé 3-5 ár til að skipuleggja og fjármagna útfærslu fyrir sómasamlegar framkvæmdir. Við munum leita til verkfræðistofunnar Eflu, sem er aðili að Nýsköpunarsetrinu, um ráðgjöf landslagsarkitekta varðandi hönnun og útfærslu verkefnisins. Það eru nokkrir möguleikar á að afla styrkja í slík verkefni og munum við standa fyrir því. Tekið skal fram að allt okkar framlag er sjálfbæravinna, en við munum leita samstarfs við Skógræktarfélag Dalabyggðar og aðra áhugaaðila um að taka þátt í verkefninu eða leggja því lið t.d. með vinnuframlagi, sem mætti t.d. byrja með því að halda opinn „Skógardag“ þar sem fólk myndi koma og taka þátt.

Ein af þeim leiðum sem við viljum fara til að efla skógrækt í Dalabyggð er að kanna kosti þess að koma á fót trjáplöntuframleiðslu á svæðinu þar sem t.d. skógarbændur í Dalabyggð hefðu forgang að besta fáanlega efnivið. Eitt skref á þeirri leið, sem krefst lágmarks fjárfestinga, en hægt er að byrja á strax, er að


koma upp gróðurreit fyrir stofnræktun á úrvalsklónum af alaskaösp, en alaskaösp er ein vænlegasta trjátegundin til kolefnisbindingar við íslenskar aðstæður. Við eigum þegar móðurplöntur af völdum úrvalsklónum, sem við höfum komið upp með aðstoð frá Skógræktinni, og vildum geta komið þeim fyrir á e.h. góðum stað. Um væri að ræða allt að 200 plöntur af ca. 10 mismunandi úrvalsklónum. Slík ræktun færi best fram á svæði þar sem þegar er kominn upp sæmilegur skógur, sem veitir skjól, en það er eitt mikilvægasta atriðið til að plönturnar þrífist vel og vaxi sem mest og hraðast. Þessi tré yrðu síðan f.o.f. notuð til afklippinga en framleiðsla á ösp fer alfarið fram með stiklingarækt. Því förum við jafnframt fram á að ofangreint umhirðuleyfi með „Brekuskógi“ innihaldi einnig leyfi til okkar til að velja allt að 0,2 ha reit innan skógarins þar sem við gætum jarðunnið og lagt aðkomustíg fyrir ofangreinda asparræktun. Aspirnar myndu byrja að gefa afklippur strax á öðru ári og síðan yrðu þær klipptar mikið upp frá því.


Við höfum einnig skoðað skógræktarsvæðin sem eru ofan við veginn nokkurn veginn á móti „Brekuskógi“ og þar eru nokkur rjóður, sem hugsanlega gætu hentað betur fyrir asparræktina, m.t.t. skjóls og betri jarðvegs, eða auðveldara aðgengi. Því myndum við vilja halda þeim möguleika opnum að asparreiturnar verði hugsanlega frekar staðsettur inn á því svæði, en endanlega niðurstaða hvað það varðar yrði þá formlega borin undir sveitarstjórn síðar í sumar. Næstu árin yrðu síðan vafalaust til samskonar asparreitir á fleiri stöðum í Dalabyggð, þannig að þessi afnot okkar þurfa ekki að verða um aldur og ævi og má þá fjarlægja aspirnar ef ákvörðun verður tekin síðar um að nota landið í annað.

Með von um gott samstarf í framtíðinni,

Virðingarfyllt,


Franz Jerzorski, skógarbóndi á Hóli í Hörðudal


Jakob K. Kristjánsson, skógarbóndi á Hóli í Hvammssveit


Sigurbjörn Einarsson, skógræktandi í Sælingsdalstungu